

Final dals GKB SPORTKIDS: in viadi enturn il mund

Cuira, ils 17 da zercladur 2019 – La sonda passada ha gi lieu a Maiavilla il grond final dals GKB SPORTKIDS. Var 360 uffants han fatg part dal punct culminant da l'onn da trenament cun il motto «viadi enturn il mund».

En il rom dal program per la promoziun dal moviment GKB SPORTKIDS treneschan mattettas e mattets da tschintg e sis onns duas giadas l'emna ed acquistan basas sportivas da bleras disciplinas. Il punct culminant e la finiziun da l'onn da trenament è mintgamai il final dals GKB SPORTKIDS. Il motto da l'eveniment sportiv da quest onn è stà in «viadi enturn il mund». Tschertgar aur en il Canada, far da cowboys en l'Argentina, sa sentir sco stars da sport da la Svizra: sin in percurs da posts han ils var 360 uffants emprendi d'enconuscher differents pajais. Sco finiziun spectaculara han trais pèrs dal club da Rock'n'Roll Cuira preschentà ina show sin il prà da sport a Maiavilla.

In'investiziun en l'avegnir sportiv dal Grischun

Sco partenaria e sponsura principala sustegna la Banca Chantunala Grischuna il program da promoziun GKB SPORTKIDS che vegn organisà e realisà da graubündenSPORT. Trenaments da basa multifars en differentas disciplinas stgaffeschan la basa per il svilup sportiv dals kids. Trenaments da fufragnadi sveglian l'interess dals uffants per ils sports che vegnan fatgs en lur regiun. Quest engaschament per il sport è in'investiziun en l'avegnir. Cun el surpiglia la banca responsabladad sociala envers il chantun e ses umans.

Fin ils 30 da zercladur 2019 pon ins s'annunziar per l'onn da trenament 2019/20 sin www.gkb-sportkids.ch. Er uffants cun ina restricziun pon sa participar – cun ils GKB SPORTKIDS special u tut tenor pussaivladad en ina gruppa dals GKB SPORTKIDS.

Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa l'009 collavuraturas e collavuratur (stadi dals 31.12.2018). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 26.5 milliardas in gudogn dal concern da CHF 185.1 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestril 2019:	25 da fanadur 2019
Quint annual 2019:	7 da favrer 2020
Radunanza dals participants:	25 d'avrigl 2020
